

班禪事略

[

4327

MG

B 949.92

28



3 1761 5197 9

尼德爾額禪班師大覺圓慧廣化宣國護




班禪大師遺囑

余生平所發宏願爲擁護中央宣揚佛法促成五族團結共保國運昌隆近者四年來西藏內地蒙中央優遇得見中央確對佛教尊崇對藏族平等余心滋慰余念益堅此次奉命回藏土不意所志未成中途圓寂今有數事切囑如下後藏政教前已委定羅桑堅贊爲札薩喇嘛所有宣化使職亦着由彼暫代在未到職前印信暫交丁傑佛並由堪布會議廳及回藏設計委員六人共同負責仍宜請示中央聽候處置至宣化使署槍枝除衛士隊及肩役自衛者外其餘獻與中央共濟國難俟余轉生再請發還又關於歷代班禪所享權利應早圖恢復最後望吾藏官民僧俗本中央五族建國精神努力中藏和好札薩喇嘛及各堪布尤宜善繼余志以促實現此囑

國民政府褒揚班禪大師令文 民國二十六年十二月廿四日

國民政府委員西陲宣化使護國宣化廣慧大師班禪額爾德尼覺性圓明志行精卓早歲翊贊統一懋著功勛比年闡教西陲勤宣德化邊氓咸戴稱頌翕然方期兼程回藏振導祥和永資矜式乃以憂國濟勞遠爾圓寂眷懷勳勳震悼彌深應予特令褒揚追贈護國宣化廣慧圓覺大師封號並着給治喪



費一萬元特派考試院院長戴傳賢前往釐定致祭用示國家篤念殊勛之至意此令

班禪大師事略

一 引言

班禪大師係創立黃教發揚佛教之始祖宗喀巴氏二大弟子之一宗氏示寂時遺囑其二大弟子達賴班禪世世以呼畢勒罕轉生不失本性以普渡衆生發揚佛教班禪自第一世至今圓寂之第九世均奉行黃教勿替尤各運用智慧日益發揚而光大之其詳備載於藏中經典勿庸贅言

班禪大師稽諸經典所載爲無量光佛（卽阿彌陀佛）之化身任宗教之主宰本已早入涅槃應爲不生不滅惟因誓渡衆生故爾轉生於世迄今九世而又遽以圓寂聞蓋示衆生以生死之因果知所警惕與覺悟也

班禪大師事蹟循例自其降生以迄圓寂逐日均有詳盡記載備成信史矧夫其自來中土十五年來教化衆生翊贊中樞融洽中藏宣勞邊陲其嘉言卓行靡可枚舉今茲所記不過略述梗概以慰國人崇仰哀悼之忱耳

二 大師之降生及兒時

班禪大師（指第九世言後仿此）於清光緒九年正月十二日降生於西藏塔布噶廈地方降生之前有「噶廈」（按即中土之苗名）突生於第八世班禪靈塔之柱上其後大師果轉世於「噶廈」地方物地兩名之音不謀而同此靈異之預兆也降生後月餘僕夫抱之偶着其足於石上即留有永遠不可磨滅之足印其他靈異之處尙多時訪尋轉世班禪之諸大喇嘛聞此靈異前往尋訪即認爲第九世轉世班禪復於十四年十五日奏明在金本巴瓶內聖籤認大師之降生既多靈異後復經此莊嚴之金本巴瓶典禮拈定三藏僧俗聞訊莫不慶忭若狂嗣於十八年正月初三日在盛大之儀式中迎至札什倫布坐牀經第穆呼圖克圖傳授經典因其秉性靈慧凡從師所習之高深經典及天文星數工程各學不特過目即解而最稱深遠之顯密二宗經典亦達登峯造極之境洵不愧爲一代黃教之宗

三 大師之秉政

班禪大師爲後藏政教之主宰當其秉政之初青年奮發之氣如春日之草木欣欣向榮而大師秉性仁慈愷悌恬淡和平於其聖容穆穆之氣象一見即知故對於藏中人民處處解除其痛苦增進其幸福祈禱其安樂而人民崇奉感戴之忱無以復加猶憶近歲某外人將大師啓建之時繪金剛法會影片

陝放於印度噶倫布居印之一般藏人驟睹法顏莫不跪禮涕泣崇念之情自然流露由此可知大師感
人至深繫衆愛戴之誠大師處政明達論議宏博羣爲驚服蓋其乘有宿慧別具天才無人能及也

光緒三十一年六月英兵入藏達賴避赴西寧駐藏大臣有泰奏請飭令班禪兼管前藏政教大師
力辭不就是年十一月次師隨英皇太子遊歷印度三十二年三月回至札什倫布建塑全國最大之向
巴（彌勒佛）大金佛像

四 大師入駐中土

班禪大師爲陳述藏情鞏固中藏密切關係於民國十二年十一月十五日攜帶堪布等及隨從人
員取道北踏甘藏路線移錫中土此道多荒野僻徑人煙稀少披風冒寒備受辛勞經青海甘州涼州而
抵皋蘭次年往北京道經太原備受閻百川先生及段芝泉先生先期派來之代表熱烈歡迎及到舊京
謁當席報告藏政此時適值內訌方殷未有結果其後段芝泉先生出任臨時執政以大師爲宗教領袖
不辭艱辛萬里跋涉蒞臨中土傾心祖國甚爲敬佩即令蒙藏院組織招待班禪事務處隆重招待并冊
封「宣統濟世」名號頒發金冊金印以示篤念助勞之至意大師在京住錫南海瀛台歷經年餘

五 大師赴東北各蒙族宣化並啓建三次時輪金剛法會

大師駐錫北京年餘目睹國事不寧內訌方殷當軸亦未能注意邊事乃發菩提之心盡其自我安邊之任乃於民國十四年十二月應東北軍政首腦之請偕同堪布隨員等首途赴遼在此住錫半載渥承優遇旋應東蒙各王公之請於十五年五月邁赴達爾罕旗宣化并在該旗溫都爾王府啓建首次時輪金剛法會祈禱國運亨通人民安樂功德圓滿後即赴圖什業圖王府及扎薩克等旗復在扎旗啓建第二次時輪金剛法會以後即週遊各旗教化蒙衆歷經二載不辭勞瘁十七年七月復應東北軍政當局之請返回遼寧會商鞏固蒙疆安輯僧俗事宜居留數旬當局待遇備極隆重九月又應錫林果勒盟各旗王公之請由省專車至洮南經圖什業圖東西烏珠穆沁等五旗於十一月抵達阿不戈貝子廟即在該廟度歲十八年二月繼赴克什克騰旗唵經教化四月又赴西蘇尼特旗德王府駐錫九月再返遼寧十九年赴阿魯科爾沁等旗宣化并在東烏珠穆沁旗啓建第三次時輪金剛法會繼赴昭烏達盟各旗唵經宣化

六 大師首次晉京覲見主席并參加國民會議

民國二十年二月國民政府蔣主席電召大師來南京諮商邊政大師奉召後即由遼寧專車晉京覲見蔣主席報告蒙藏情形備承嘉慰大師并躬親參加國民會議召示五族一家一新世界觀聽政府

以大師來京令參軍處及蒙藏委員會等各機關組織招待處從優招待逾於尋常大師以中央政府奉行總理三民主義治國建國對國內各民族一律平等深洽邊民之願望乃具矢忠擁護之誠誓負安邊化民之任此外大師復設班禪駐京辦事處及駐平綏青川康印各辦事處派駐代表備與中央及各方當局接洽又辦西藏補習學校使藏族子弟接受中土文化培植治邊人才並保送邊地優秀學子來學中土造就高深智能

七 國府冊封「護國宣化廣慧大師」名號

國府以大師歷年宣勞邊疆翊贊統一深致嘉慰乃於民國二十年六月二十四日明令加給護國宣化廣慧大師名號並頒玉印一方念冊一本以示崇隆謹將令文及冊封原文分別錄后

國府令文

班禪額爾德尼志行精誠翊贊和平統一此次遠道來京眷念勤勞良深嘉慰着加給護國宣化廣慧大師名號用示優異此令

冊授原文

廣納赤宙知微亦復知彰溥化黔毗有德斯能有衆班禪額爾德尼撫輯藏服翊戴中央敷教元黎

効忠民醫實闢冥如之妙諦懋騰無上之殊榮允宜授予護國宣化廣慧大師稱號朗燭意珠奉揚
體命德音普遍布三民五權之宏規法鐸昭垂章六度萬行之妙祇服懋典益邇宗風中華民國二
十年七月一日蔣中正

八 大師再返東北蒙旗宣化並啟建第四五兩次時輪金剛法會

大師此次晉京駐錫半載復應黑龍江呼倫貝爾各旗都統之請於是年七月啓錫赴呼在該旗召
集各王公僧俗剴切宣示三民主義建國要義及五大民族應精誠團結擁護中央政府各點深使蒙衆
傾心內嚮旋九一八事變發生大師卽由呼西赴德王府駐錫二十一年四月至百靈廟啟建第四次時
輪金剛法會在廟滯留半載應北平佛教會各居士之請於九月經綏察赴平沿途受綏傅主席宜生察
宋主席明軒之招待大師到平行轅設於南海丰澤園平市當局及各界組織招待處招待十月大師在
太和殿啟建第五次時輪金剛法會聽經者除數萬民衆及蒙古僧俗外復多時下聞人盛極一時

九 大師二次晉京受命西陲宣化使

二十一年十二月大師由平二次晉京政府令蒙藏委員會妥爲招待並假陵園 蔣委員長官邸
設大師行轅中央對大師倚畀甚殷特派爲西陲宣化使俾化導邊陲釋中央西顧之憂大師於是月二

十四日在國民政府大禮堂舉行宣誓就職典禮林主席親臨致訓備予嘉勉大師致答竭盡忠誠宣揚德意冀以宗教之力上輔中樞振導人心挽回末劫

十 大師維護蒙局國府嘉獎

大師以國難嚴重邊事日亟在京滯留兩月於廿二年一月再返駐百靈廟從事宣化時內蒙德王及各王公等倡議自治舉國注意中央派黃紹雄氏赴蒙巡視黃氏到百大師召集各王公剴切開導多方曉諭談話結果因告圓滿國府深嘉大師盡力宣撫蒙民維護邊局乃於十月十八日明令褒獎文曰

護國宣化廣懋大師西陲宣化使班禪額爾德尼矢忠黨國願力恢宏前膺宣化使命寒暑遄征勿辭勞瘁上以闡揚中央之意志下以激發蒙族之忠忱德音廣被陟域胥融頃者國難未已疆隅多故該使力鎮危疑維護邊局眷念勛勩尤深嘉慰特予崇褒以彰殊蹟此令

十一 大師三次晉京追薦達賴就任國民政府委員並啟建第六次

時輪金剛法會

在內蒙古自治初告解決之時大師應行政院汪院長之電召於十二月三次晉京陳述邊事行轅及招待處均設於申家巷時值西藏達賴大師圓寂未久政府舉行追薦曾大師躬親燉經追薦三日並請

中央從優追封達賴隆興祭悼此外復派其駐印康蒙青各處長攜帶重金分赴西藏各大寺並西康蒙古印度及中國北部南部各大小寺院誦經追薦同時親撰祈禱達佛慧靈重來之經讀分發各地寺院僧衆隨時誦禱此時大師之心若不勝其哀痛若嗚呼豈知五年之後又轉爲世人追薦哀痛也

二十三年一月中國國民黨第四屆第四次全體會議以大師宣勞邊陲厥功甚偉特選任爲國民政府委員此爲西藏領袖參與中樞政治之始大師於三月一十日在國府舉行宣誓就職典禮甚爲隆重

四月大師應滬上聞人之請赴杭州靈隱寺啟建第六次時輪金剛法會祈禱國運昌隆民生幸福南中士庶獲聆法音功德圓滿大師於六月應上海市市長吳鐵城保安處長楊虎之請至滬小住月餘藉以參觀各種工廠各大中學校文化機關及物質設備各方招待應接不暇嗣即返京因氣候酷熱居住不慣休息數日即乘機飛平起飛之時黨政諸公多來相送此爲大師與首都作最後之告別

十一 大師赴西蒙甘青宣化並啟建第七八兩次時輪金剛法會

大師由京飛平後即乘平綏路專車至包頭轉赴伊克昭盟宣化時雲王等各王公不遠千里而來謁候法安在伊居留兩月應蒙夏主席馬鴻逵及達理札雅親王之請赴阿拉善旗宣化二十四年二月

八時在該旗達親王府成立西陲宣化使公署集五族來賓於一堂開空前之盛會五月由海夏專機飛西寧過蘭州甘主席朱紹良及蒙番王公頭目來迎甚衆繼抵西寧青主席馬麟軍長馬步芳率漢蒙藏同各界首領民衆及各學校團體夾道歡迎熱烈之狀得未曾有大師到青駐錫黃教正宗宗喀巴降生地之塔爾寺並在此啓建第七次時輪金剛法會蒙番王公千百戶僧俗民衆前來集會聽經者不下十餘萬人大師乘此時機向各王公蒙番僧俗等宣示中央德意闡發盡詳聽衆振服收西陲宣化上之宏果駐塔年餘應嘉木樣呼圖克圖及黃司令子才之請於二十五年遷赴拉卜楞寺備受此地僧俗官民熱烈之歡迎大師在該寺啓建第八次時輪金剛法會漢番蒙藏聽衆甚夥盛況一如塔爾寺法會情形此爲大師啓建之最後一次法會也

十二 大師由拉卜楞赴玉樹準備返藏

大師以返藏之事西藏官民虔誠歡迎中土同胞屬望殷切中央政府期待甚深機緣成熟不容再緩期早日以到達釋中樞之西願乃於二十五年九月由拉卜楞寺啓錫過赴玉樹中央特派護送專使趙守鈺率儀仗隊護送大師抵玉樹即積極籌備返藏各項事宜

十四 大師圓寂

大師駐錫玉樹經年以返藏諸事籌備就緒即擬於去歲（二十六年）八月啓錫入藏適值中倭戰事發生行期展緩大師返藏心切憂國尤深於十一月初旬夔勞成疾病榻之上猶時之垂詢戰事情形我軍勝利如何大師除歷年捐助重金救濟各省各地災民難民外此次復捐助中央五萬元作爲抗敵救國之用所屬職員受大師感動自動捐輸三千餘元是知大師憂國之切謀國之忠誠令人肅然起敬不幸於二十六年十二月一日晨二時（藏歷火牛年十月二十九日）大師因天年已屆捨壽歸西圓寂於玉樹拉卜倉行轅彌留之際帶囑勉僚屬以擁護中央爲志圓寂一週遺體入定嚴如生人氣色未變肌膚猶溫至七日膚溫始退八日午玉柱雙垂化歸涅槃住世五十五歲時值國家危難之際噩耗傳出舉國震悼閣藏銜哀大師靈輓於十二月下旬奉運甘致於今年一月十八抵達沿途番民致祭無不痛哭流涕如喪考妣

十五 中央崇褒大師並派戴院長祭致

大師圓寂之噩耗傳出中央深爲震悼中央執監委員曾蔣委員長等先後電唁國民政府於十二月二十四日明令褒揚追贈護國宣化廣濟闡覺大師封號並特派考試院戴院長前往康定致祭以示隆重中土官民及各地寺院喇嘛紛紛開會追薦哀悼是由大師功德之重感人之深而朝野故亦懷念

勤勤儉致其哀思崇敬矣

附班禪大師世系

歷世班禪號名 降生地及年月日

第一世凱 珠 明洪武十八年四月初八日
在後藏拉堆地方轉世

第二世瓊 朗 缺 囊 正統四年正月十五日在後
藏玩撒地方轉世

第三世恩 洒 巴 宏治十八年正月初四日在
後藏答魁地方轉世

第四世羅 桑 却 結 隆慶元年四月十五日在拉
柱甲爾地方轉世

第五世羅 桑 益 西 康熙二年七月十五時在接
推參地方轉世

第六世班 登 益 西 乾隆三年十一月十一日在
向札喜策爾地方轉世

第七世登 必 尼 瑪 乾隆四十六年在後藏地方
轉世

圓寂地及年月日

正統三年二月二十一日圓
寂時年五十四歲

宏治十七年二月二十五日
圓寂時年六十六歲

嘉靖四十五年二月二十三
日圓寂時年六十一歲

清康熙元年二月十三日在
札什倫布圓寂時年九十六歲

乾隆二年八月初五日在札
什倫布圓寂時年七十五歲

乾隆四十五年在北北京圓寂
時年四十三歲

咸豐三年正月初九日在札
什倫布圓寂時年七十二歲

第八世 登 必 旺 修

咸豐四年在後藏地方轉世

光緒八年七月十六日在扎什倫布圓寂時年二十九歲

第九世

羅桑圖丹却吉尼瑪
(即今圓寂之班禪大師)

光緒九年正月十二日在西藏塔布噶廈地方轉世

民國廿六年十二月一日在玉樹拉卜倉行轅圓寂年五十五歲

西藏班禪駐京辦事處謹撰

二十七年三月出版

~~708~~
111136

SKBC
MG
3949.92
28